

春  
秋  
女  
譜

# 序

余於春秋世族旁引曲證廣爲蒐羅原以期其詳備故於譜系外復摘取稱爵稱人者彙而輯之其未稱爵稱人僅以國名見於春秋者亦彙而輯之摠附於後以見詳益求詳備益求備之意因思各國既有譜系其王后及諸侯之夫人妃妾子女與夫各國諸臣之若妻若妾若子女旁至姊妹舅甥姻亞之屬若無譜以維繫之亦不免仍有遺略爰復加考詳輯爲一冊名之曰春秋女譜其無名可稽而或因人因地因事以爲名者亦仍分國按年編次附於其末至若僅存虛名無可考證如桓六年子同生公與文姜命名之宗婦莊四年使覲哀姜之宗婦襄二年齊如魯送齊姜葬之宗婦莊十二年陳使飲南宮萬酒之婦人

宣二年晉殺宰夫使載以過朝之婦人成二年晉三子弔衛穆公哭於門內之婦人十七年齊慶克與蒙衣乘輦入門之婦人晉厲公田與先殺飲酒之婦人襄二十三年輦范宣子如公宮之二婦人哀四年齊簡公與飲酒於檀臺之婦人以及襄十一年鄭賂晉之女樂諸如此類不可枚舉俱無從徵實不得不槩事擯棄又如有仍氏女元妻爲樂正后夔所娶雖確有其人而非春秋之時亦不敢濫入何者是書爲譜作也爲譜春秋之女作也爲譜作則無可譜者又惡能從而譜之耶爲譜春秋之女作則非春秋之女子抑又何必從而譜之耶是爲序

道光二十年歲次庚子夏五月朔日祥符常茂徠秋厓并識

春秋女譜目錄

周

魯

晉

衛

鄭

齊

宋

楚

秦

陳

蔡

杞

紀

息

芮

莒

許

邾

小邾

鄆

郕

郊

江

徐

邛

潞

附曹

賈

吳

各國無名雜婦女

周

魯

衛

鄭

齊

宋

莒

春秋女譜目錄終

春秋女譜

祥符  
御製  
春秋  
女譜  
卷之  
一

周

后

附姜

紀季姜

桓王后紀女姜姓桓八年逆九年歸于京師

王姚

莊王嬖妾未詳何國女生子頽見莊九年

陳嬀

惠王后陳女嬀姓生襄王及王子帶莊十八年逆

隗氏



襄王后狄女見  
僖二十四年

王后

定王后齊女姜姓宣六年傳召桓公逆王后于齊不詳稱名  
按齊惠公立於文十八年卒於宣十年此王后當爲惠公女

王后

靈王后齊女襄十五年經劉夏逆王后于齊不詳稱名按  
齊靈公立於成十年卒於襄十九年此王后當爲靈公女

穆后

景王后未詳何國女生  
太子壽昭十五年見崩

王女

王姬

莊王女齊襄  
公夫人詳齊

王姬

莊王女齊桓  
公夫人詳齊

王姬

惠王女宋襄  
公夫人詳宋

魯

夫人妾哀二十四年傳魯夏對公曰周公及武公娶于薛孝  
附惠娶于商自桓以下娶于齊○商卽宋也稱商避定  
公諱也

孟子

惠公元妃宋女  
子姓在春秋前

聲子

惠公繼室卽孟子之姪娣亦宋女生隱公在春秋前隱公三  
年卒傳曰君氏卒蓋隱公攝位不敢從正君之禮尊其母遜  
正夫人故書  
曰君氏卒

仲子

惠公再娶夫人宋武公女生桓公在春秋前隱二年薨經書夫人子氏薨穀梁傳謂夫人者隱之妻也按經書夫人子氏薨分明與莊十一年莊公母文姜卒書夫人姜氏薨文十六年文公母聲姜卒經書夫人姜氏薨襄九年成公母穆姜卒經書夫人姜氏薨襄二年襄公嫡母齊姜卒經書夫人姜氏薨皆一例如是隱公夫人隱公之母聲子卒在三年經書君氏卒何始而於其妻稱之爲夫人而書曰薨既而於其母反不尊之爲夫人而書曰卒耶若謂此君氏公羊傳作周大夫尹氏非隱公之母而隱公乃暫攝君位觀於羽父請殺桓公公曰爲其少故吾將授之何等循禮豈有於其妻之卒而忍越禮犯分遽加以夫人之號而書曰薨乎

文姜

桓公夫人齊僖公女桓三年逆生莊公及季友莊二十一年薨

孟任

莊公夫人魯大夫黨氏女任姓生子般及女公子見莊三十二年

哀姜

莊公夫人齊女莊二十四年逆閔二年齊人殺之按齊桓公立於莊九年卒於僖十七年此哀姜當為桓公女

叔姜

莊公夫人哀姜之娣生閔公見閔二年

成風

莊公妾須句國女風姓生僖公見閔二年文四年薨○按閔二年成風註莊公之妾文四年經夫人風氏薨註僖公母杜謚曰凡妾子為君其母猶為夫人雖先君不命其母母以子貴其嫡夫人薨則尊得加於臣子而內外之禮皆如夫人故妣氏之喪責以小君不成成風之喪王使會葬傳曰禮也凡妾子為君而得稱夫人者例此

聲姜

僖公夫人齊桓公女生文公及女叔姬見僖十七年文十六年薨○公羊作聖姜

出姜

亦稱哀姜

文公夫人齊女文四年逆生惡及視文公薨襄仲殺惡及視而立宣公夫人姜氏歸于齊按齊孝公卒於僖二十七年弟昭公繼立卒於文十四年此出姜當爲昭公女否則爲孝公女

敬嬴

文公二妃未詳何國女生宣公及叔肝見文十八年宣八年薨○公穀俱作頃熊

穆姜

宣公夫人齊女宣元年逆生成公及女宋伯姬襄九年薨○杜氏曰計公衡之年成公又非穆姜所生不知其母何氏也宣公元年娶穆姜成公二年公衡爲質公衡成公子也如成公爲穆姜所生亦未得有長成之男也○按穆姜當爲齊惠公女惠公爲懿公之兄懿公弑舍自立立四年至文十八年被弑惠公立立十年卒計惠公繼立之時其年必長以此推之當爲惠公女矣

齊姜

成公夫人襄公之嫡母齊女成十四年逆襄二年薨○按齊頃公卒於成九年子靈公繼立卒於襄十九年此齊姜若非

靈公女必  
爲頃公女

定姒

成公妾杞女生襄公見襄  
四年薨○公羊作定乙

敬歸

襄公妃胡女歸姓生  
子野見襄三十一年

齊歸

襄公妾敬歸之姊生昭公見  
襄三十一年昭十一年薨

孟子

昭公夫人吳女諱娶同姓  
謂之孟子見哀十二年

公衍母

公爲母

俱昭公妾見昭二十九年氏未詳

定嬀

定公夫人杞女生哀公見定十五年○穀梁作定乙

公子荆母

哀公嬖妾見哀二十四年氏未詳

公女

公子女附

紀伯姬

惠公女紀國夫人詳紀

紀叔姬

惠公女紀子妃詳紀

杞伯姬

莊公女杞惠  
公夫人詳杞

莒叔姬

莊公女莒大  
夫慶妻詳莒

女公子

莊公女見前孟任註未  
知爲杞伯姬莒叔姬否

伯姬

僖公女見僖九年卒未適人  
公穀曰未適人故不稱國

宋蕩伯姬

僖二十五年經書宋伯姬來逆婦杜註伯姬魯女宋大夫蕩  
氏妻也自爲其子來逆婦按蕩伯姬當爲僖公女伯姬歸宋  
經雖無明文而逆婦在僖二十五年則亦正當有子可室之  
時世族譜以爲宣公女宣公爲僖公之孫惡能卽有女爲子  
逆婦在僖之二十五年乎譜不能無錯悞也○嚴豹人春秋  
內傳古註輯存云按宋桓公生公子蕩其孫意諸始以蕩爲



氏此伯姬者其卽  
公子蕩之室也

### 鄧季姬

僖公女鄧國夫人見僖十四年十六年卒世族譜以爲宣公  
女按僖十四年傳鄧季姬來寧公怒止之以鄧子之不朝也  
疑當爲僖公女來寧寧僖公也否則或爲僖公姊妹此時僖  
公之母成風尙在或來寧其母若以爲宣公女宣公僖公之  
孫也其嗣位尙在此來寧後三  
十八年以此知其非宣公女矣

### 子叔姬

亦稱叔姬

僖公女杞桓公夫人世族  
譜作宣公女誤辨詳杞

### 叔姬娣

僖公女杞桓  
公夫人詳杞

### 子叔姬

僖公女齊昭  
公夫人詳齊

宋伯姬

宣公女穆姜所生成公姊妹  
宋共公夫人亦稱共姬詳宋

鄭伯姬

宣公女鄭子  
夫人詳鄭

子叔姬

亦稱叔姬

宣公女齊卿高  
固妻詳齊高氏

重

公子慤女齊景  
公夫人詳齊

魯臣妻妾

臧氏

臧宣叔妻

鑄國女宣叔娶于鑄生賈及  
爲見襄二十三年名氏未詳

繼室

宣叔繼室卽鑄女之姪宣公夫人穆姜姨母之子  
與穆姜爲嬖昆弟生統見襄二十三年名氏未詳

昭伯內子

臧會妻見昭二  
十五年氏未詳

施氏

施氏婦

據世族譜

施孝叔妻齊管子奚之女魯子叔聲伯外妹也聲伯之母嫁  
齊管子奚生一子一女而寡復歸聲伯聲伯嫁其外妹於施

孝叔見成  
十一年

孟孫氏

戴已

孟穆伯妻莒女已姓  
生文伯穀見文七年

聲已

穆伯次妻卽戴已之娣  
生惠叔難見文七年

已氏

穆伯次妻亦莒女穆伯爲從父昆弟襄仲聘見其美自娶之  
襄仲請攻穆伯叔仲惠伯成之使反於莒繼年穆伯如周弔  
以幣莒莒從已氏生二子名俱  
未詳見文七八及十四五年

遽氏

孟僖子副妾  
見昭十一年

泉邱女

僖子副妾生懿子及南宮敬  
叔見昭十一年名氏未詳

其僚

僖子亂妾泉邱女之鄰女爲僚友者無子  
泉邱女使字敬叔見昭十一年名氏未詳

叔孫氏

叔孫戴伯妻

牟國女名氏未詳僖五年經書公孫茲如牟傳云如牟娶焉  
杜註戴伯娶於牟卿非君命不越竟故奉公命聘于牟因自  
逆爲

國姜

叔孫穆子妻齊國氏女穆子在齊娶者生孟丙仲壬見昭四  
年按傳初穆子去叔孫氏適齊娶于國氏杜註國氏齊正卿  
姜姓攷穆子奔齊在成十六年齊國佐之見殺在成十八年  
是穆子奔齊之時正國佐爲卿之時穆子所娶者蓋國佐之  
女也

庚宗婦人

穆子適齊宿夷宗所遇者  
生牛見昭四年名氏未詳

季孫氏

季文子妻

陳女不詳稱名文六年傳季文子聘于陳且娶焉杜註臣非君命不越竟故因聘而自爲娶

季妯

季公鳥妻齊鮑文子女生申見昭二十五年

其妾

季公鳥妾季妯使扶已示秦湫之妻譚公若者見昭二十五年名未詳

季平子妻

宋元公女元公夫人曹氏所生小邾之甥季公若之甥之女平子外姊之女也昭二十五年逆不詳稱名

南孺子

季桓子妻未詳何國女季康子之嫡母也生男被殺見哀三年

子叔氏

聲伯之母

宣公母弟叔所妻不詳稱名與宣夫人穆姜爲娣如穆姜恥其不聘生聲伯而出之嫁於齊管于奚見成十一年

聲伯妻

莒女成八年逆經書公孫嬰齊如莒傳云聲伯如莒逆也不詳稱名

魯臣女

穆孟姬

叔孫宣伯女齊靈公夫人詳齊

小邾夫人

季武子女小邾夫人詳小邾

秦姬

據註

季武子女武子庶子公鳥之  
妹秦造妻見昭二十五年

季姬

季桓子女齊悼  
公夫人詳齊

季

夫人妾  
附

姜氏

穆侯夫人生文侯仇及桓叔  
成師見桓二年在春秋前

齊姜

獻公父武公之妾齊女獻公烝之生秦穆夫  
人及太子申生見莊二十八年又見僖四年

賈君

獻公初娶夫人賈女無子見  
莊二十八年及僖十五年



狐姬

獻公妃狐突之女姬姓生文公重耳見莊二十八年亦稱狐季姬見昭十三年

小戎子

獻公妃戎女允姓生惠公夷吾見莊二十八年○小戎子號射之姊妹服虔曰號射惠公舅又僖十四年孔疏云號射惠公之舅狐偃文公之舅

驪姬

驪戎女獻公嬖之立爲夫人生奚齊見莊二十八年

其姊

驪姬之姊獻公妃生卓子見莊二十八年不詳稱名

梁嬴

惠公夫人梁女僖六年惠公奔梁梁伯妻之生懷公固及女妾見僖十七年

懷嬴

懷公夫人秦穆公女僖十五年懷公西質秦伯妻之二十二年懷公逃歸晉至二十三年文公適秦秦伯復納之於文公

姜氏

文公夫人齊桓公女僖二十三年文公適齊齊桓公妻之劉向列女傳云晉人殺懷公而立公子重耳迎齊姜以爲夫人按左傳不言迎立之事或其人早卒不可知

文嬴

文公夫人襄公嫡母秦穆公女僖二十四年逆又見三十三年

偁姬

文公妃偁國姑姓女班在二生襄公見文六年

季隗

文公妃赤狄廐咎如女隗姓班在三生伯鯨叔劉見僖二十三年

杜祁

文公妃杜伯之後祁姓班  
在四生公子雍見文六年

辰羸

卽懷公夫人懷羸也文公納之爲妃  
稱辰羸班在九生公子榮見文六年

穆羸

襄公夫人秦女生  
靈公見文七年

景公夫人

齊女成五年傳晉荀盈  
如齊逆女不詳稱名

悼夫人

悼公夫人杞女生平公見襄二十三年註云杞孝  
公姊妹蓋爲桓公之女又見二十九年及三十年

少姜

平公寵妃齊女昭二年逆尋卒傳云少姜有寵於晉侯晉侯謂之少齊服虔曰所以寵異不與齊衆女子等言齊國如此好女甚少○按齊景公立於襄之二十六年卒於哀五年逆少姜在昭二年此當爲景公女

### 繼室

平公夫人齊公孫薑女昭三年傳齊侯使晏嬰請繼室於晉又云公孫薑爲少姜之有寵也以其女更公女而嫁公子不詳稱名

### 衛姬

平公妃衛獻公女襄二十六年歸于晉

### 四姬

平公妃見昭元年名俱未詳按四姬之中衛姬當居其一

### 公女

公子女附

### 伯姬

鄭公女烝齊姜所生  
者秦穆公夫人詳秦

妾

惠公女梁嬴所生者入  
秦爲宦女見僖十七年

趙姬

文公女趙衰  
妻詳趙氏

襄公女

公壻池妻見文八  
年註不詳稱名

伯姬

成公女景公姊  
潞子夫人詳潞

趙莊姬

成公女趙朔妻史記作成公姊非  
辨詳成八年孔疏正義餘詳趙氏

平公女

楚靈王夫人不  
詳稱名餘詳楚

悼公子愁女

公子亡在衛嫁其女於衛臣太叔  
懿子不詳稱名餘詳衛太叔氏

**晉臣妻妾**

趙氏

叔隗

趙衰妻赤狄廐咎如女文公妃季  
隗之姊也生盾見僖二十三年

趙姬

趙衰妻文公之女生同  
括嬰見僖二十四年

趙莊姬

趙朔妻成公女生武見成  
四年朔諡莊子故稱莊姬

趙勝妻

荀吳女生邯鄲午定十三年傳邯鄲午荀寅  
之甥也杜註午之母荀寅姊妹不詳稱名

魏氏

魏武子嬖妾

見宣十五年  
名氏未詳

荀氏

荀首妻

齊女成五年傳晉荀首  
如齊逆女不詳稱名

荀偃妻

鄭女生中行吳襄十九年傳荀偃生瘍於頭病目出土句  
請後偃曰鄭甥可杜註鄭甥荀吳其母鄭女不詳稱名

荀寅子婦

定十三年傳荀寅范吉射之姻也  
註荀寅子娶范吉射女不詳稱名

荀盈妻

齊女昭九年傳荀盈  
如齊逆女不詳稱名

樂氏

樂祁

樂厲妻范宣子女生  
盈見襄二十一年

郤氏

冀缺妻

見僖三十三  
年名氏未詳

郤犇妻



卽魯施孝叔之婦子叔聲伯外妹也卻犖聘魯求婦於聲伯  
聲伯奪施氏婦以與之生二子於卻氏卻氏亡復歸施氏施  
氏沈其二子於河婦怒  
遂誓施氏見成十一年

羊舌氏

叔向母

羊舌職妻見襄二十一年名稱未詳劉向列女傳云叔姬羊  
舌子之妻叔向叔魚之母也王充論衡云叔向之母姬姓

叔虎母

羊舌職妾見襄二  
十一年氏未詳

子容之母

伯華妻叔向嫂見昭  
二十八年氏未詳

巫臣氏

叔向妻申公巫臣女初叔向欲娶於巫臣氏其母謂子靈之  
妻殺三夫一君一子而亡一國雨鄆尤物足以移人叔向懼

不敢娶平公強使娶之生楊食我字伯石  
以黨祁盈被殺滅羊舌氏見昭二十八年

叔魚妻

雍子之女見  
昭十四年

附

子靈之妻

子靈巫臣妻夏姬也生一  
女嫁叔向詳前羊舌氏

介之推母

見僖二十三  
年氏未詳

伯宗妻

見成十五  
年氏未詳

祁勝室

鄆臧室

俱見昭二十八年氏未詳

甯寢妻

見文五年氏未詳

靈輒母

見宣二年氏未詳

晉臣女

狐姬

狐突女獻公妃詳前

欒祁

范宣子女欒厲妻詳前欒氏

范氏

鄭堵狗妻  
詳鄭堵氏

范吉射女

荀寅之子婦  
詳前荀氏

荀吳女

趙勝妻詳  
前趙氏

巫臣女

叔向妻巫臣娶夏姬  
所生詳前羊舌氏

雍子女

叔魚妻詳  
前羊舌氏

晉

夫人附妾

莊姜

莊公夫人桓公之嫡母齊莊公女東宮得臣之妹見隱三年

厲嬀

莊公妃陳文公女生孝伯早死見隱三年

戴嬀

莊公妃卽厲嬀之姊生桓公見隱三年孔疏云二嬀俱陳桓公之姊妹

嬖人

莊公嬖妾公子州吁之母見隱三年名氏未詳

夷姜

莊公妾宣公庶母齊女宣公烝之生急子見桓十六年經

宣姜

齊女宣公爲子急子娶于齊聞其美納爲夫人生壽及惠公  
朔見桓十六年後宣公庶子昭伯烝之生齊子戴公文公宋  
桓夫人許穆夫人見閔二年

夫人

懿公夫人見閔二年狄伐衛公  
與之繡衣使守國不詳稱名

夫人

戴公夫人見閔二年狄滅衛戴公廬於曹齊  
桓公歸夫人魚軒重錦三十兩不詳稱名

定姜

定公夫人獻公嫡母齊女  
見成十四年及襄十四年

敬姒

定公妃未詳何國女生獻公衍及公  
子鱣見成十四年及襄二十六年

嬖妾

獻公嬖妾卽師曹誦琴者  
見襄十四年名氏未詳

宣姜

襄公夫人靈公嫡母齊女  
無子見昭七年及二十年

嬖始

襄公嬖人生孟縶及  
靈公元見昭七年

南子

靈公夫人宋女生孔伯姬  
及莊公蒯瞶見定十四年

呂姜

莊公夫人齊女  
見哀十七年

夫人

出公夫人衛大夫夏戊之女夏期之姊生子爲太子後寵衰以夏期之亂公奔越復怒期以其子爲期之甥殺之見哀二十五年及二十六年不詳稱名

公子公子女附

衛姬

獻公女晉平公妃詳晉

伯姬

靈公女孔文子妻詳孔氏

宋桓夫人

許穆夫人

俱昭伯公子頑之女詳宋許

衛臣妻妾



孔氏

孔伯姬

亦稱孔姬

孔文子妻靈公女太子麟之姊生懼見哀十五年

太叔氏

太叔懿子妻

晉悼公子懋女也生悼子疾及一女女適衛大夫夏氏生夏戊杜註夏戊悼子之甥是也夏戊生夏期傳云期太叔疾之從孫甥也杜註姊妹之孫爲從孫甥與孫同列見哀十一年及二十五年不詳稱名

太叔疾妻

宋子朝之女疾娶于宋子朝見哀十一年不詳稱名

其姊

太叔疾妻之姊宋子朝次女疾娶之見哀十一年不詳稱名

孔姑

太叔疾弟太叔遺妻即太叔疾之妻也孔文子女初疾娶宋子朝女文子使疾出其妻而妻以女疾誘其初妻之婢別爲一宮如二妻文子怒遂奪其妻疾出奔衛人立遣文子復使室孔姑見哀十一年

衛臣女

孔姑

孔文子女詳前太叔氏

夏戊女

出公夫人詳前

宋子朝二女

子朝通於靈公夫人南子因仕衛爲大夫二女俱嫁太叔疾詳前太叔氏

鄭

夫人附妾

武姜

武公夫人申女生莊公寤生及共叔段見隱元年

鄧曼

莊公夫人鄧女生昭公忽見桓十一年

雍姑

莊公妾宋大夫雍氏女姑姓生厲公突及語見桓十一年

嬀氏

昭公夫人陳桓公女昭公爲公子時逆于陳見隱八年

陳嬀

鄭子儀妃文公之叔母也文公報之生子華及子臧見宣三年

文芊

亦稱芊氏

文公夫人楚文王女成王之姊妹生二女見僖二十二年

姜氏

文公夫人見僖二十二年未詳何國女

燕姑

文公妾南燕女生穆公蘭見宣三年

江女

據世族譜

文公妾江女生公子士見宣三年

蘇女

據世族譜

文公妾生子瑕及子俞彌見宣三年○林註蘇寢內諸侯

宋子

穆公妃宋女生子然  
子孔見襄十九年

主嬀

穆公妃生子士  
孔見襄十九年

少妃姚子

穆公妃生靈公子蠻及  
女夏姬見昭二十八年

公女

二姬

文公女俱文芊所  
生楚成王妃詳楚

夏姬

穆公女陳大夫御  
叔妻詳陳夏氏

鄭臣妻

罕氏

子尾氏

罕虎妻齊公孫薑女昭五年  
傳鄭罕虎如齊娶于子尾氏

駟氏

駟偃妻

子游娶于晉大夫生絲  
見昭十九年氏未詳

游氏

公孫楚妻

徐吾犯之妹見昭  
元年不詳稱名

堵氏

范氏

堵狗妻晉大夫范氏女襄十五年傳鄭人奪堵狗妻歸諸范氏不詳何人女

祭氏

祭仲妻

氏未詳生女雍姬見桓十五年

附

穎考叔母

見隱元年氏未詳

鄭臣女

雍姬

祭仲女雍糾妻見桓十五年

公孫段女

楚靈王夫  
人詳楚

徐吾犯之妹

公孫楚妻  
詳前游氏

齊

夫人  
妾附

衛姬

僖公寵妾生桓公  
小白見昭十三年

王姬

襄公夫人莊王女  
莊元年逆二年卒

連稱從妹

襄公妾見莊八年服  
虔曰爲妾在宮也

齊齊



王姬

亦稱共姬

桓公長夫人莊王女莊十一年逆

徐嬴

桓公次夫人徐女見僖十七年

蔡姬

桓公第三夫人蔡女見僖三年又見僖十七年三夫人皆無子

長衛姬

亦稱共姬

桓公如夫人衛女生武孟見僖十七年

少衛姬

桓公如夫人衛女生惠公元見僖十七年

鄭姬

桓公如夫人鄭女生  
孝公昭見僖十七年

葛嬴

桓公如夫人葛女生  
昭公潘見僖十七年

密姬

桓公如夫人密女生公  
子商人見僖十七年

宋華子

桓公如夫人宋華氏之女子  
姓生公子雍見僖十七年

昭叔姬

昭公夫人魯僖公女卽子叔姬生舍卽位爲公子  
商人所弑叔姬復歸於魯見文十四年及十五年

蕭同叔子

惠公夫人蕭女同叔蕭君之字生頃公無野見成  
二年○干寶曰蕭同叔子惠公之妻頃公之母

聲孟子

頃公夫人宋女生靈公環  
見成十六年及十七年

顏懿姬

靈公夫人魯女無  
子見襄十九年

嬖聲姬

靈公妃顏懿姬之姪生  
莊公光見襄十九年

仲子

靈公妾宋女生公  
子牙見襄十九年

戎子

靈公嬖妾宋女爲莊  
公所殺見襄十九年

穆孟姬

靈公夫人魯叔孫僑如女叔孫在齊所生叔孫還納其女於靈公嬖生景公見襄二十五年及昭十年

燕姬

景公夫人北燕簡公女昭七年歸于齊生子不成而死

鬻奴

景公妾生安孺子荼見哀五年○服虔曰淳于人所納女

胡姬

景公妾見哀六年八年殺

重

景公夫人魯公子憖女見昭二十七年憖於十二年謀逐季氏不克而奔齊其女爲景公夫人

季姬

悼公夫人魯季桓子女康子之妹哀五年陽生奔魯康子妻之卽位逆以爲夫人見哀八年

公女

莊姜

莊公女衛莊  
公夫人詳衛

文姜

僖公女魯桓  
公夫人詳魯

姜氏

桓公女晉文  
公夫人詳晉

公子

景公女不詳稱名亦不  
詳嫁何人見昭三年

齊臣妻妾

北婦人

公孫明妻卽魯叔孫豹在齊所娶國氏生孟丙仲壬者子明  
知叔孫於齊叔孫歸未逆國姜子明娶之子明卽公孫明齊  
大夫見昭四年

高氏

叔姬

高固妻魯宣公  
女宣五年逆

管氏

管于奚妻

卽魯子叔聲伯之母  
詳魯施氏及子叔氏

崔氏

崔武子妻

氏未詳生成及彊而  
死見襄二十七年

東郭姜

東郭偃之姊初爲棠公妻棠公死崔子往弔見而美之娶爲繼室生明見襄二十五年二十七年繼

慶氏

慶封內

見襄二十八  
年氏未詳

盧蒲氏

盧蒲嬖內

見襄二十八  
年氏未詳

盧蒲姜

盧蒲癸妻慶封女孫慶  
舍女見襄二十八年

閭邱氏

閻印嬰妻

見襄二十五年氏未詳

陳氏

懿氏

陳敬仲妻陳大夫懿氏女見莊二十二年○懿氏史作懿仲

無字之母

陳文子妻見襄二十八年氏未詳

子士之母

陳僖子妾見哀六年氏未詳

棠氏

棠姜



棠公妻即東郭姜東郭偃之姊生棠  
無咎後嫁崔武子見襄二十五年

附

閭職妻

懿公奪以爲妾見  
文十八年氏未詳

杞梁妻

見襄二十三  
年氏未詳

齊臣女

公孫薑女

一爲晉平公夫人一  
爲鄭罕虎妻詳晉鄭

國姜

國佐女魯叔孫豹妻後公孫明娶  
之詳魯叔孫氏及前北婦人註

季妣

鮑文子女魯季公  
鳥妻詳魯季孫氏

盧蒲姜

慶舍女盧蒲癸  
妻詳前盧蒲氏

東郭偃之姊

詳前崔  
氏棠氏

管子奚女

詳魯施氏  
及晉郤氏

宋

夫人

桓夫人

衛公子昭伯女烝宣姜所  
生者見閔二年不詳稱名

王姬

襄公夫人惠王女襄王之  
姊也見文八年及十六年

共姬

共公夫人魯宣公女卽穆姜所生伯姬也成  
八年聘九年歸于宋生平公成襄三十年卒

共姬之妾

見襄二十六  
年名氏未詳

棄

平公夫人芮司徒之女生時赤而毛棄諸堤下共姬之妾取  
以入名之曰棄長而美平公嬖之立以爲夫人生元公佐見  
襄二十  
六年

曹氏

元公夫人小邾穆公之女小邾穆公夫人所生魯季公若之  
姊之女季平子之外姊也其女爲季平子妻見昭二十年及  
二十五年

### 景曹

景公夫人見哀二十三年○按哀二十三年景曹卒杜註景  
曹宋元公夫人小邾女季桓子外祖母此當是景公夫人非  
元公夫人也蓋曹姓也景諡也以爲景公之夫人故稱曰景  
曹如以爲是元公夫人則當曰元曹不當云景曹矣元公之  
夫人見於昭二十年華向之亂與元公每日遠華氏食公子  
意其時夫人之年必長矣如是景曹討自昭二十年至哀二  
十三年已五十年此年數之不合者也又按昭二十五年傳  
宋元公夫人生子以妻季平子是元公爲平子之妻父其子  
景公爲平子之妻兄弟即平子之子桓子之舅氏也景公之  
夫人即桓子舅氏之妻也康子爲桓子之子以弔其父舅氏  
之妻故自稱曰彌甥此與哀二十五傳衛夏期爲太叔疾之  
從孫甥一例姊妹之孫爲從孫甥康子稱彌甥即從孫甥也

### 公女

### 仲子

武公女魯惠公夫人詳魯

元夫人子

元公女元公夫人所生魯季平子妻詳魯季孫氏

宋臣妻

孔氏

孔父之妻

見桓二年氏未詳

華氏

華吳妻

見襄十七年氏未詳

華亥妻

見昭二十  
年氏未詳

皇氏

杞姒

皇野妻杞女生皇  
非我見哀十七年

蕩氏

伯姬

公子蕩妻魯  
僖公女詳魯

伯姬之婦

魯女僖二  
十五年逝

附

南宮萬母

見莊十二年氏未詳

宋臣女

雍姑

大夫雍氏女鄭莊公妾詳鄭

芮司徒女子

平公夫人詳前

楚

夫人附妾

若敖夫人

邲國邲子之女若敖娶于邲生鬬伯比見宣四年

鄧曼

武王夫人鄧祁侯姊妹生文王  
熊黃見桓十三年及莊四年

文夫人

莊二十八年見陳女本息侯夫人文王滅  
息納爲夫人生堵敖及成王見莊十四年

鄭二姬

鄭文公女俱文芊所生成王之甥  
也成王取以爲妃見僖二十二年

莊夫人

莊王夫人共王母見襄  
九年卒未詳何國女

秦嬴

共王夫人秦桓公女景  
公妹襄十二年歸于楚

巴姬

共王妾巴女  
見昭十三年



豐氏

靈王夫人鄭公孫段女靈王爲  
令尹時聘于鄭娶者見昭元年

靈王夫人

晉平公女昭五年逆傳晉韓  
宣子如楚送女不詳稱名

鄭陽封人女

亦稱楚夫人

平王夫人太子建之母見  
昭十九年及二十三年

麇氏

秦女平王爲太子建聘于秦費無極勸王取之生昭王軫見  
昭十九年按秦哀公立於昭六年凡在位三十六年此麇氏  
當是哀公之女

昭夫人

昭王妃越女生惠王章見哀六年及  
十六年○劉向列女傳云句踐女

王女

文芊

文王女鄭文公夫人詳鄭

江芊

文王女嫁於江詳江

季芊

平王女昭王妹以妻樂尹鍾建見定四年

昇我

見定四年世族譜季芊昇我皆平王女服虔曰季芊許嫁而字昇我季芊字也禮婦人許嫁笄而稱字季芊稱字是許嫁也蓋遭亂夫死而改適鍾建耳

楚臣妻

關氏

關伯比妻

邲國邲子之女邲子爲伯比之舅氏伯比從其母畜於邲淫於邲子之女而生子文邲夫人使棄諸臺中虎乳之邲子知之以其女妻伯比見宣四年

伍氏

伍舉妻

王子牟女襄二十六年傳伍舉娶于王子牟

沈氏

后臧之母

沈尹戌妻氏未詳后臧葉公諸梁之弟俱司馬沈尹戌之子見定五年名氏未詳

楚臣女

王子牟女

伍舉妻詳前伍氏○  
子牟亦稱申公子牟

申亥二女

見昭十三年  
殉靈王葬

秦

夫人

穆姬

穆公夫人晉獻公女太子申生之姊生康公  
懿及公子宏女簡璧見僖四年及十五年

后子母

后子景公母弟其母桓公  
夫人見昭元年不詳稱名

公女

簡璧

穆公女穆姬所  
生見僖十五年

女五人

見僖二十三年內  
一人爲懷嬴餘不詳

文嬴

穆公女晉文公夫人未  
知是簡璧否餘詳晉

懷嬴

穆公女初妻晉懷公稱懷嬴  
後歸晉文公稱辰嬴詳晉

秦嬴

桓公女楚共  
王夫人詳楚

陳

夫人附妾

桓公夫人

莊二十二年傳陳厲公蔡出也厲公桓公子也厲公爲蔡之甥桓公夫人當爲蔡女

鄭姬

哀公元妃鄭女生悼太子偃師見昭八年

二妃

哀公之次妃生公子留見昭八年氏未詳

下妃

哀公之下妃生公子勝見昭八年氏未詳

公女

厲嬀

戴嬀

俱文公女衛莊  
公夫人詳衛

嬀氏

桓公女鄭昭  
公夫人詳鄭

公女

見哀十一年未詳稱名亦未詳何公女按閔公立  
於定九年至哀十一已十七年疑此當爲閔公女

陳臣妻

懿氏

懿氏妻

陳敬仲之妻母見莊二十  
二年卜妻敬仲氏未詳

夏氏

夏姬

夏姬叔妻鄭穆公女靈公子靈之妹生徵舒而寡陳靈公與孔寧儀行父通焉徵舒弑靈公楚討徵舒以夏姬婦與連尹襄老襄老死于郢其子黑要烝焉申公巫臣道之歸鄭求襄老尸而聘諸鄭後巫臣聘齊及鄭以夏姬奔晉見成二年

附

賈獲母

賈獲妻

俱見襄二十五年氏未詳

夫人

夫人

哀侯夫人

陳女即息侯夫人息嬀之姊妹見莊十年不詳稱名



靈侯夫人

楚女不詳稱名襄三十年傳蔡景侯爲太子般娶于楚景侯通焉太子弑景侯

公女

蔡姬

哀侯女齊桓公夫人見僖三年及十七年按齊桓公之立莊九年哀侯之立桓十八年卒在莊十九年齊桓之卒在僖十七年計其年數當爲哀侯之女史記穆侯以其女弟爲齊桓公夫人桓公與蔡女戲船中夫人蕩舟公怒歸蔡女而未絕也按穆侯爲哀侯之子史云女弟不誣也

杞

夫人

伯姬

惠公夫人魯莊公女莊二十五年經書伯姬歸于杞杜註無傳不書逆女逆者微按杞惠公立於莊二十二年二十五年

伯姬歸于杞計其時當爲惠公之夫人史記索隱以爲成公之夫人不知成公之立尙在此十五年後也又見二十七及三十八年僖三十一年

### 叔姬

桓公夫人魯僖公女文十二年傳杞桓公來朝請絕叔姬而無絕昏二月叔姬卒杜註公卽位始來朝不絕昏立其姊以爲夫人不書大歸未歸而卒僖三十一年經書杞伯姬來求婦杜註自爲其子成昏蓋卽求叔姬也公羊傳以叔姬爲文公同母姊妹是也世族譜以爲宣公女誤

### 叔姬

桓公夫人魯僖公女卽叔姬之姊亦稱叔姬按文十二年杞桓公請絕叔姬而無絕昏杜註云立其姊爲夫人旣而叔姬卒自是以後叔姬之姊卽爲杞叔姬故成四年經書杞伯來朝傳云歸叔姬故也五年經書杞叔姬來歸八年經書杞叔姬卒九年經書杞伯來逆叔姬之喪以歸傳云杞桓公來逆叔姬之喪請之也計自文十二年至成九年凡三十三年經與傳一一詳載非有兩人是桓公之夫人爲魯僖公之女可見也世族譜以爲宣公女如宣公女也當文十二年杞桓公

請立夫人時宣公猶爲公子則非宣公女可知也且宣公立後經傳並無叔姬歸杞之文則益非宣公之女可知也

**公女**

**晉悼夫人**

桓公女晉悼公夫人詳晉

**紀**

**夫人**

**紀伯姬**

紀子夫人不詳何公魯惠公女隱二年逆莊四年卒

**紀叔姬**

紀子妃卽伯姬之姊隱七年歸于紀莊二十九年卒

**公女**

季姜

紀子女未詳何  
公桓王后詳周

憲

夫人

息嬀

息侯夫人不詳何公陳女蔡哀侯之嬀也見莊  
十年十四年楚文王滅息以息嬀歸立爲夫人

丙

夫人

芮姜

芮伯夫人不詳何公亦不詳  
何國女生芮伯萬見桓三年

呂

夫人

向姜

莒夫人未詳何公向  
女姜姓見隱二年

莒臣妻

叔姬

莒大夫慶妻魯莊公  
女莊二十七年逆

許

夫人

穆夫人

穆公夫人衛公子昭伯女  
烝宣姜所生者見閔二年

齊

夫人

齊姜

文公元妃齊女生定公  
公獲且見文十四年

晉姬

文公二妃生捷  
留見文十四年

莊公夫人

哀十年經書和子益來奔傳云和隱公來奔齊甥也故遂奔齊按隱公爲莊公之子隱爲齊甥則莊公之夫人必爲齊女

邾臣妻

庶氏

見急就  
篇及註

公姑姊

一爲魯襄公姑一爲襄公姊和大夫庶其  
奔魯季武子俱以妻之見襄公二十一年

小邾

夫人

穆公夫人

魯季武子之庶子季公若同母姊平子之庶姑宋元公夫人  
之母見昭二十五年按公若姊為小邾夫人註不詳何公攷  
昭二十五年傳公若之姊為小邾夫人宋元公夫人宋元夫  
人生女以妻季平子是時公若之姊已有外孫女嫁平子計  
其姊歸小邾時意必有四十餘年攷小邾之君穆公於襄七  
年來朝傳云始來朝也則非初卽位來朝可知小邾穆公一  
見於襄七年再見於昭三年及十七年自襄七下數至昭  
二十五年已有五十年意夫人之適小邾當為穆公之時殆  
為穆公之夫人也

公女

景曹

穆公文宋景  
公夫人詳宋

郕

夫人

季姬

鄆子夫人不詳何  
公魯僖公女詳魯

前夫人

莒國女生  
世子巫

後夫人

莒國女。襄五年叔孫豹鄆世子巫如晉按公羊傳註巫者  
鄆前夫人之子與魯襄公俱爲莒國外孫時莒女嫁爲鄆後  
夫人夫人無男有女還嫁之於莒有外孫鄆子愛後  
夫人而無子欲立其外孫是歲巫如晉次年莒滅鄆

鄆

夫人



鄆夫人

鄆子夫人不詳何公宋大夫  
向戌女見昭十八及十九年

公女

鄆子女

昭十八年邾人襲鄆盡俘以歸鄆子從祭於  
邾邾莊公反鄆夫人而舍止其女名不詳

邾

夫人

伯姬

鄆子夫人魯宣公女  
宣十六年被出大歸

江

夫人

江芊

楚文王女成王之妹嫁於  
江未詳何公見文元年

公女

鄭文公妾

未詳何公  
女餘詳鄭

徐

夫人

徐子章禹夫人

名氏未詳見昭三十年吳滅徐  
徐子章禹攜其夫人以奔楚

鄭

夫人

邳夫人

楚鬬伯比舅氏之夫人令尹子文之外祖母見宣四年

公女

邳子之女

楚鬬伯比妻  
詳楚鬬氏

邳

夫人

伯姬

潞子嬰兒夫人晉成  
公女見宣十五年

附

曹

僖負羈妻

見僖二十三  
年氏未詳

賈

賈大夫妻

見昭二十八  
年氏未詳

吳

鮪設諸母

見昭二十七  
年氏未詳

各國無名雜婦女

周

周郊婦人

尤尹固者見昭二十九年

魯

卜士妻

桓公舉太子生之禮負太子者見桓六年

公子結媵陳人之婦

見莊十九年

穆姜之姨

鑄國夫人臧宣叔繼室之母臧紇之外祖母也見襄二十三年

衛

已氏之妻

戎州人莊公見其髮美髡之以爲呂姜鬘見哀十七年

鄭

游販奪逆妻者之妻

販如晉未出竟遭逆妻者奪之以館于邑爲其夫所殺見襄二十二年

齊

蠶妾

聞重耳之謀告姜氏爲姜氏所殺者見僖二十三年

徐關女子

見成二年銳司徒女辟司徒之妻名氏未詳

宋

共姬之姆

見襄三

莒

嬖婦

莒子殺其夫嬖婦託於紀鄆紡焉以度去之齊伐莒投諸外夜縱齊師入紀見昭十九年

按魯公父穆伯妻敬姜文伯之母季康子之從祖叔母也見

國語晉成公之母周女也見史記公子糾之母齊僖公之妾

魯女也見史記陳穆公之母宣公之妾嬖姬也見史記又如

齊孝公夫人孟姬楚成王夫人鄭瞽莊王夫人樊姬昭王夫

人貞姜昭王妃蔡姬俱見列女傳雖皆春秋中人而春秋傳中不載不敢濫入謹附於此以資參攷

男維鉞  
湖同校字

春秋女譜終